

RUITLASÕ OLAVI JÄR' EJUTT 3

Umbusaldamist avaldamah

Ahtokõsõl lei silmi iist kiriväs — pühässe hiide, koh targa' õks kuuh käve', oll täämbä kogonõnu katõ-kolmõsaapääl-nõ inemisõmass. Kedä kõkkõ sääl nätä' olõ-õs?

Vanõbidõ kogol oll annikivi kõrval uma laud üles säet. Kõik pääle timä olliva jo' kohal. Riitkraav, Sao Paul, Põrna Aare, Pervelill... Vanasurm ja Karv otsõva ütstõõsõlt kirpa.

Kural puul annikivvi, haina pääl, olli' hindit sisse sääd-nü' Mats'uri mehe', näide tagah Kolodavitsa uma'. Ahto usu-us ummi silmi, inemisi oll õgalt puult — Laossinast, Lüübniast, Tobrovast, Podmotsast.

Ahto hiitü. Õkvalt Tobrova mihi takah lösütivä' maah... Jah! N'oo' pidivä' olõma rasvaliitlasõ'. Tä olõ-äs s'oo hõimu mihi kunagi varahappa nännü, õnnõ kuulnu hirmujutta ja pajatuisi...

Rasvaliitlasõ' olliva' ülekaalulitsõ', karvadsõ rønna ja sä-läga, üle keskiä mehe'. Rasvavolt, rasvavoldi otsah, näüdäs, õt ku ütäl sääntsel nahk ar nilgu', sis saanu' nahka kol' kõrda rohkõp ku mehe hindä päält paistu. Üte sääntse nahaga võinu terve püstku ar katta. Kõtu' olli' ribah üle vüüveere suutmalda var'ada näide vaihõlt vällä tükkvit kottõ. Rasvaliitlaisil oll tõtõstõ jälle' koti', Ahtolõ tull miilde vanaimä ült vanasõna — Obinitsa mehele mahu-ui niipall'o tarrõ ku rasvaliitlasõlõ kotti...

«Aa, Separatist,» sai Vanasurmal Ahtot näteh hüä miil, «tulõ toeda' perse pingile!»

Ahtol sai väega hüä miil. Pingi pääle pallüldi timmä edimäist kõrda. Seenimaani oll timä kotus õks lavva all olnu.

«Täämbä mi avalda umbusaldust, rasvaliitlasõ' tulliva' ideega vällä,» tiät Vanasurm ja näüdäs kavvõbah puu külge kinni seotulõ plesspääga mehele.

Hallõ näoga' miis oll nahkrihmuga tammõ külge kõudet, rõiva' olli' sälläh katski tõmmat ja veridse', kalts suuh, sil-maalodsõ' sinitses lüüd.

Ahto tiidse s'ood miist. Ütskõrd, Lepä kirmasõl, ku tä oll tühä kõtu peräst peoplatsi veereh iknu', oll plesspää tulnu, timmä ilestänü ja kääro kõllast saia andnu. Nii hüvvä saia olõ-õs Ahto varahappa saanu'. Täl nakas värisevät ja arhirmunut miist kaiõh veid'okõsõ hallõgi.

«Kuismuudu umbusaldust avaldadas?» tahtsõ tä tiidä'.

«Kaal lõigatas läbi,» selet Vanasurm.

Ahto kai rasvaliitlasi poolõ võõristusõga. Suuri kottõga mehe' tsungõva' nõnnuga mullah ja rõhevä' ku mõnõ vih-mahussi vai mugula lõüdsevä'. Ahtolõ sääne asi miildü-üs. Hiis oll pühä kotus, a nimä' tuhnõva' murukamarat segi nii ku...

Kõgõ jammep rasvaliitlanõ, arvada' päämiis, tuupräst õt täl oll varõsõsulg kõrva taadõ tsusat, tull väits peoh ohvri mano ja inisi läbi mulladsõ nõna:

«S'ooda miist saa-ai usalda'! Tuuperäst, õt kaegõ', täl olõ-õi' hiussit. Kõigil omma' hiusõ'! S'ool mehel olõ-õi'! Ku olõ-õi' hiussit, sis olõ-õi mi miis! Kiä viil plesspääd usalda-ai'?»

Ülejäänü' nelli rasvaliitlast nõstiva' kae' püstü.

«Sis om kõrrah,» tiät varõsõsulõga miis ja nõst väidse üles!

«Kuulõ', olõ-õi' niimuudu, õt õnnõ rasvaliitlasõ' saava' umbusalda'!» kärät Vanasurm vihatsõlt, haard paku seest kirvõ ja nõud:

«Mi kõik olõmi siiä' umbusaldamma tulnu'!»

«Jah,» nõstiva' tõõsõ' niisamamuudu pahatsõlt häält: «Mi olõ päävä ar raisanu, kavvõst tulnu ja no' saaki-i' umbusalda'!»

«A sis ma kuuluda umbusaldamitsõ kinnidses!» rõhät varõsõsulõga miis häiritült ja nõst vahtsõst väidse.

Nii olõ-õs aus. Vanasurm kai abipallõvalt Ahto poolõ. Timäl oll õks hüvvi mõttit.

«A mille mi õnnõ ütte plesspääd umbusalda,» piuksat Ahto. Nii suurõ rahva iih kõnõlõminõ oll hirmtav.

«A s'oo, tattnõna, õt meil olõ-õi siih rohkõp plesspääd,» inisi Varõsõsulg lootusrikkalt ümberingi kaiõh. Ja olõki-is!

«A rasvaliitlasi om viis tükku!» piuksat Ahto vahtsõst, «ku mi näid umbusalda, sis mki saa viis kõrda rohkõba umbusalda'!»

«Mul tull mõtõh, kuismuudu!» tiät Vanasurm, haard paalka ja and tuuga' Varõsõsulõlõ takast tävvest joust vasta kottõ.

«Hüä idee,» kitivä' kohalolija' paalkit haartõh nii ku üttest suust.

Säänest ruigamist ja täntämist olõ-õs pühä hiis istut-misõst pääle kuuldnü'.

Nädäli peräst oll kiäki Ahto postkasti saia tsusanu. Terve pätsi! Niisama kõllatsõ ja hüä lõhnaga, nii ku tuu plesspää käest saad saiakikk ütskõrd Lepä kirmasõl.

IX Seto Kongressi saadikute valimise koosoleku protokoll

Koosoleku koht:.....

Koosoleku aeg:.....

Koosoleku juhataja:.....

Häältelugejad:.....

Koosoleku osalevate valijate arv.....

Koosolekul valitavate saadikute arv.....

Esitatud kandidaadid.....

Hääletustulemused.....

Valitud saadikute nimed:

1.....

2.....

3.....

Koosoleku juhataja (nimi, allkiri).....

Häältelugejad (nimi, allkiri).....

Lisa: Koosolekul osalenud valijad

Nr.	Nimi	Elukoht	Allkiri



IX Seto Kongressi saadiku volikiri

Koosoleku koht:.....

Koosoleku aeg:.....

Koosolek valis IX Seto kongressi saadikuks:

Saadiku nimi:.....

Elukoht:.....

Koosoleku juhataja (nimi, allkiri).....

Häältelugejad (nimi, allkiri).....

